

3 января, предпраздн РХ, святитель Петр Московский
ВЕЛИКАЯ ВЕЧЕРНЯ (СОКРАЩЕННАЯ)

Стихиры на «Господи, воззвах»

Канонарх: Глас 4, Гóсподи, воззва́х к Тебе́, услы́ши мя.

Гóсподи, воззва́х к Тебе́, услы́ши мя./ Услы́ши мя, Гóсподи.

Гóсподи, воззва́х к Тебе́, услы́ши мя:/ вонми́ гла́су моле́ния
моего́, / внемди́ воззва́ти ми к Тебе́.// Услы́ши мя, Гóсподи.

Да испра́вится моли́тва моя́,/ я́ко кади́ло пред Тобóю,/ возде-
я́ние руку́ мою́/ – же́ртва вече́рняя.// Услы́ши мя, Гóсподи.

Предпразднство Рождества Христова на 3, глас 4

На 6, стих: Аще беззако́ния на́зриши, Гóсподи, Гóсподи, кто постои́т? /

Я́ко у Тебе́ очище́ние есть.

Предпра́зднственныя пе́сни/ мы́сли пра́востию/ Христо́ва Ро-
ждества́ предвозгласи́м:/ Отцу́ бо и Ду́ху/ сый равноче́стен,/ за
милосе́рдие в на́ше обо́лкса смеше́ние,/ хо́щет роди́тися в Ви-
фле́еме;/ Егóже Рождество́ несказа́нное// па́стырие со А́нгелы
воспе́ша.

Стих: Имене ра́ди Твоего́ потерпе́х Тя, Гóсподи, потерпе́ душа́ моя́ в сло́во
Твое́ /

упова́ душа́ моя́ на Гóспода.

В кимва́лех возгласи́м,/ в пе́снях воскликнем:/ Христо́во яв-
ле́ние показáся,/ проро́ческая пропове́дания коне́ц прия́ша./
Егóже бо прореко́ша/ плóтию челове́ком яви́тися,/ ражда́ется во
святе́м верте́пе,/ и в я́слех возлега́ет я́ко Отроча́,// и пелена́ми
повива́ется я́ко Младене́ц.

На 4, стих: От стра́жи у́тренняя до но́щи, от стра́жи у́тренняя, /

да упова́ет Изра́иль на Гóспода.

Вифле́еме, угото́вися,/ Еде́ме, ны́не отве́рзися:/ роди́ти Всесвя-
та́я идет./ Небеса́ да веселя́тся,/ да игра́ют челове́цы,/ в я́слех
Жи́знь, в верте́пе Богáтый,/ приходи́т мно́жества ра́ди ми́ло-
сти,/ нищету́ Ада́мову воспри́йм,// кроме́ преложе́ния и сме-
ше́ния.

свт. Петра, митрополита Московскаго, всея Руси чудотворца на 3, Глас 2.

Стих: Я́ко у Го́спода ми́лость, и мно́гое у Него́ избавле́ние,
и То́й изба́вит Изра́иля от все́х беззакóний его́.

Кйими похва́льными венцы́/ увязе́м святите́ля?/ священства
венец, благоче́стия управле́ние,/ све́тлое Це́ркве украше́ние,
исто́чник Божественных исцелёний неисчерпа́емый,/ проли́тие
дарова́ний духо́вных,/ реку́ мно́гих чуде́с,/ зе́млю Росси́йскую
веселя́ща течёньюми,// Петра́, тёплаго предста́теля на́шего и хра-
ни́теля.

На 2, стих: Хвалите́ Го́спода все́и язы́цы, /
похвалите́ Его́ все́и лю́дие.

Кйими похва́льными венцы́/ увязе́м святите́ля?/ священства
венец, благоче́стия управле́ние,/ све́тлое Це́ркве украше́ние,
исто́чник Божественных исцелёний неисчерпа́емый,/ проли́тие
дарова́ний духо́вных,/ реку́ мно́гих чуде́с,/ зе́млю Росси́йскую
веселя́ща течёньюми,// Петра́, тёплаго предста́теля на́шего и хра-
ни́теля.

Стих: Я́ко утверди́ся ми́лость Его́ на нас, /
и исти́на Госпо́дня пребыва́ет во ве́к.

Кйими смире́нными устна́ми воспо́йм святите́ля?/ дивна́го в
чудесе́х и Безплóтных сожи́теля,/ освяще́ннаго от пелён, столпа́
Це́ркве неподви́жима,/ весе́лие земли́ на́шея,/ пра́вды пра́вило,

сиротам питателя, // обидимых заступника и больных врача безмездна.

Слава, глас 1.

Слава Отцу, и Сыну, и Святому Духу.

Божественнаго свыше явления светлостию просветився, Пётре, / твердый умом, законов избегл еси естественных, / якоже сени, благодатию истинною, всеумудре, окроплен; / отонудуже, приятелище Пресвятаго Духа быв, / чудес дар восприял еси / и обогащаеши сими чада твоя. / И ныне, с первосвятители предстоя Христу, // молися о душах наших.

И ныне, глас 1:

И ныне, и присно, и во веки веков. Аминь.

Примите, ясли, / Егоже в купине Моисей законоположник провиде в Хориве, / ныне раждаема от Девы Духом Божественным. / Та есть, Яже в законе реченная, / Та есть пророческая печать, / Яже Бога плотию тленным являючи, Емуже поклонимся.

Стихиры на стиховне

Предпразднство Рождества Христова на 3

Канонарх: Глас 1, Видящи держима

Видящи держима / руками Своими, Всечистая, Творца, / вещаше: Чадо Сладкое, / како Тя Младенца зрю / и разумети не могу непостижимаго / Твоего ныне снизхождения? / Пою державу Твою, / поклоняюся милосердию Твоему, // егоже ради спасти мир пришел еси.

Стих: Бог от юга придет/ и Святы́й из горы́ приосенённые ча́щи.

Яв́ися, воплоща́емь/ из Тебе́, Ма́ти Неискусобра́чная,/ и в верте́пе ражда́емь,/ и ви́димь Божество́нными/ го́рными чини́ми Неви́димый:/ челове́ка бо при́де изба́вити от лести́ зми́йныя./ Не удивля́йся, Всенепоро́чная, о Рождестве́,// естество́ превосходя́щем.

Стих: Го́споди, услы́шах слух Твой и убо́яхся,/ Го́споди, разуме́х дела́ Твоя́ и ужасо́хся.

Тя, Младенца́ пресовершенство́на, зрю,/ в я́слех возлежа́ща,/ не вем же та́йны глубин́у несказанну́:/ ка́ко и по рождестве́ нетле́нна пребых́,/ зако́ны прешедши́ естества́?/ Кую́ убо хвалу́ Тебе́ принесу́?/ Ка́ко просла́влю Тя?// Де́ва Отрокови́ца веща́ше.

Слава, глас 8:

Сла́ва Отцу́, и Сы́ну, и Свято́му Ду́ху

Прииди́те, вси ве́рнии,/ согла́сно воспойм Петра́ всеблаже́ннаго,/ благоче́стия свети́ло,/ воздержания́ пра́вило,/ терпе́ния столп, простоты́ сокрови́ще,/ смире́ния реку́ обильную́,/ ни́щих утешение́, страна́ных странноприе́мника,/ и и́стинныя любве́ Христо́вы де́лателя вои́стинну блаже́ннаго./ Сей у́бо жив и, прешед́,/ челове́ком заступник и спаси́тель показáся,/ болéзней и страсте́й неисце́льных врач/ и от вся́ческих напа́стей свободи́тель,/ и Христа́ мо́лит спасти́ся душа́м на́шим.

И ныне, глас 8:

и ны́не, и присно́, и во ве́ки веко́в. Ами́нь.

Восприими́, Вифле́еме, Бо́жию митропо́лию:/ Свет бо незаходи́мый в Тебе́ роди́тися приходи́т./ А́нгели, удиви́теся на

3 января, предпраздн РХ, святитель Петр Московский

**Небесѣ,/ челове́цы, просла́вите на земли,/ волсѣи, от Персѣды
пресла́вный дар принесѣте,/ па́стырие, свиря́юще, трисвято́е
пѣние сла́дце воспойте:// вся́кое дыха́ние да хва́лит Вседѣтеля.**

Тропари

Тропарь свт. Петра, митрополита Московскаго, глас 4:

**Яже прѣжде безпло́дная, землѣ, ны́не веселѣ́ся:/ се бо Христо́с
светѣ́льника в тебѣ́ показá,/ я́ве сия́юща в ми́ре/ и исцелѣ́вающа
неду́ги и болѣ́зни на́ша./ Сего́ ра́ди ликуй и веселѣ́ся со дерзно-
вѣнием:/ святѣ́тель бо есть Вѣ́шняго,/ сия́ соде́ловаяй.**

**Сла́ва Отцу́, и Сы́ну, и Свято́му Ду́ху, и ны́не, и прѣсно, и во
вѣки веко́в. Ами́нь.**

Тропа́рь предпразднства Рождества́ Христо́ва, глас 4:

**Гото́вися, Вифле́еме,/ отвѣ́рзися всем, Еде́ме,/ красуйся,
Евфра́фо,/ я́ко дре́во живота́ в верте́пе процветѣ́ от Дѣвы:/ рай
бо О́ноя чре́во явѣ́ся мѣ́сленный,/ в не́мже Божѣ́ственный сад,
от него́же я́дше, жи́ви бу́дем,/ не я́коже Ада́м у́мрем.// Христо́с
ражда́ется прѣ́жде па́дший возста́вити о́браз.**